



Bosna i Hercegovina  
Босна и Херцеговина

Agencija za  
identifikacione/identifikacijske  
dokumente/isprave, evidenciju i razmjenu  
podataka Bosne i Hercegovine



Агенција за  
идентификациона документа,  
евиденцију и размјену  
података Босне и Херцеговине

Broj: 15-03-16-5-27-67/24

Datum: 23.9.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## **O D L U K U** **o izboru najpovoljnijeg ponuđača**

### **Član 1.**

Najpovoljniji ponuđač u postupku javne nabavke **usluga uvođenja ISO standarda: 14001, 14298, 27701, 37001 i 45001**, objavljen na web Portalu javnih nabavki Bosne i Hercegovine, Obavještenje o nabavci broj 1110-1-2-32-3-56/24 od 3.5.2024. godine, i Ispravka za Obavještenje o nabavci, pod brojem 1110-1-2-32-8-61/24 od 29.5.2024. godine, a koji je proveden otvorenim postupkom, je **Grupa ponuđača „The Simple d.o.o. Sarajevo i Global Standards Consortium d.o.o. Novi Sad, Republika Srbija“**.

### **Član 2.**

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

### **Član 3.**

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

## **Obrazloženje**

Nakon provedenih aktivnosti, Komisija za provođenje postupka javne nabavke je konstatovala da su do roka za prijem ponuda dana 5.6.2024. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), pristigle dvije (2) ponude i to: Grupe ponuđača „The Simple d.o.o. Sarajevo i Global Standards Consortium d.o.o. Novi Sad, Republika Srbija“ i Grupe ponuđača „IK-Instaling d.o.o. Banjaluka i Mobes Quality d.o.o. Novi Sad, Republika Srbija“. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, nakon provedenog postupka analize i ocjene ponude, postupajući po Rješenju Kancelarije za razmatranje žalbi BiH, broj JN2-01-07-1-2217-6/24 od 22.8.2024. godine, kojim je poništena Odluka o izboru najpovoljnijeg ponuđača, broj 15-03-16-5-27-42/24 od 5.7.2024. godine, i postupak vraćen u fazu pregleda i ocjena ponuda, preduzela aktivnosti te izradila Zapisnik o pregledu i ocjeni ponuda, broj 15-03-16-5-27-64/24 od 18.9.2024. godine, u kojem su detaljno obrazloženi razlozi za izbor najpovoljnijeg ponuđača.



Naime, od Grupe ponuđača „The Simple d.o.o. Sarajevo i Global Standards Consortium d.o.o. Novi Sad, Republika Srbija“ je zatraženo pojašnjenje ponude u vezi rješenja o registraciji i potvrde o vjerodostojnosti istog od strane izdavaoca ovog rješenja. Ova grupa ponuđača je dostavila svoje pojašnjenje i odgovor Agencije za privredne registre Republike Srbije, te konstatovala da se elektronskim dokumentima ne osporava njihova punovažnost, dokazna snaga, niti pisana forma, samo zato što su u elektronskom obliku, da dostavljena dokumenta predstavljaju javne isprave i da ne podliježu legalizaciji budući da Srbija i Bosna i Hercegovina imaju bilateralni ugovor o međusobnom oslobađanju javnih isprava od legalizacije.

Komisija nije izvršila provjere potvrda drugog ponuđača, odnosno Grupe ponuđača „IK-Instaling d.o.o. Banjaluka i Mobes Quality d.o.o. Novi Sad, Republika Srbija“, s obzirom da je Rješenjem Kancelarije za razmatranje žalbi BiH potvrđena nekvalifikovanost i neispravnost ponude istog u pogledu roka važenja ponuda, te samim tim provjera potvrda ne bi uticala niti imala značaja u drugačijem rješavanju predmetne stvari.

Nakon pregleda i ocjene ponuda Komisija je utvrdila da ponuda Grupe ponuđača „The Simple d.o.o. Sarajevo i Global Standards Consortium d.o.o. Novi Sad, Republika Srbija“ ispunjava sve zahtjeve u pogledu opisa predmetne nabavke i tehničkih specifikacija.

Analizom ponuda, u postupku sa kriterijumom najniža cijena, Komisija je zaključila da je ponuda Grupe ponuđača „The Simple d.o.o. Sarajevo i Global Standards Consortium d.o.o. Novi Sad, Republika Srbija“ **sa ukupnom cijenom od 98.200,00 KM bez PDV-a, odnosno 114.894,00 KM sa PDV-om** najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve Agencije data je preporuka da se donese odluka o izboru ove grupe ponuđača za najpovoljnijeg ponuđača.

Na osnovu prijedloga Komisije odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

---

DIREKTOR

Prof. dr. Almir Badnjević

Signed by: Almir Badnjević

Elektronski dokument digitalno potpisan / digitally signed